

CONCELLO DE PONTEDEUME (A CORUÑA)

BORRADOR DA ACTA DA SESIÓN EXTRAORDINARIA DO CONCELLO PLENO CELEBRADA O QUINCE DE XUNIO DE DOUS MIL VINTE.

ASISTENTES:

Presidente:

D. Bernardo Fernández Piñeiro

Concelleiros/as:

D^a Raquel Caruncho Corral
D. José Simoes Couceiro
D^a Yolanda Vázquez Busto
D^a Ángela Piñeiro Carrera
D. Daniel Ríos Fernández
D. Joshua Dopico López
D^a. Manuela García Fachal
D^a Alejandra Bellón Tenreiro
D. Santiago José Rodríguez Piñeiro
D. Luís Ángel Díaz González.
D^a Rocío Souto Torre
D. Luis Pena Mosquera

Na sala de sesións da Casa do Concello de Ponte deume, sendo as dez horas do día quince de xunio de dous mil vinte, xúntanse en sesión extraordinaria do Pleno, primeira convocatoria, previamente convocados ao efecto, as persoas membros do Pleno relacionadas á marxe, baixo a presidencia do señor alcalde-presidente, Don Bernardo Fernández Piñeiro.

Foron asistidos pola Secretaria Municipal.

A Secretaria:

Dna. Marta Cajide Barbeito.

A Presidencia abre a sesión, procedéndose a tratar os asuntos incluídos na orde do día:

1.- SORTEO PARA COMPOSICIÓN DAS MESAS ELECTORAIS PARA AS ELECCIÓNS AO PARLAMENTO DE GALICIA DO VINDEIRO 12 DE XULLO DE 2020.

A Secretaria da lectura á proposta da Alcaldía-Presidencia, que se transcribe a continuación:

“PROPOSTA DA ALCALDÍA-PRESIDENCIA

SORTEO PARA COMPOSICIÓN DAS MESAS ELECTORAIS PARA AS ELECCIÓNS AO PARLAMENTO DE GALICIA DO VINDEIRO 12 DE XULLO DE 2020.

(Expediente TEdC: 2020/X999/000202; 2020/G006/000042)

A necesidade da sesión ven motivada pola convocatoria de eleccións ao Parlamento de Galicia, que terán lugar o doce de xullo de 2020. A dita convocatoria foi efectuada mediante Decreto 72/2020, do 18 de maio, (DOG nº 96, do 19 de maio), logo de que se deixase sen efecto a celebración das eleccións ao Parlamento de Galicia do 5 de abril de 2020, por medio do Decreto 45/2020, do 18 de marzo, como consecuencia da crise sanitaria derivada do COVID-19.

Considerando o disposto no artigo 26 da Lei orgánica de réxime electoral xeral (Lei orgánica 5/1985, de 19 de xuño) é necesario designar mediante sorteo público as persoas que



integrarán as mesas electorais: presidente/a e dous vogais; así como os suplentes correspondentes.

Propónse o seguinte sistema a seguir, de conformidade co acordado pola Comisión informativa de facenda 26.01.2009, sobre a utilización de medios informáticos dos que se dispoñen para poder realizar o sorteo público para a composición das Mesas Electorais das vindeiras eleccións ao Parlamento de Galicia de 12 de xullo de 2020.

Dado que se dispón en soporte informático do Censo electoral e da aplicación informática CONOCE proporcionada pola Oficina do Censo Electoral, que realiza o sorteo de modo automático e aleatorio, e que elabora as notificacións e listados necesarios para este proceso, trátase de autorizar que o sorteo se faga normalmente nas dependencias administrativas municipais, dando oficialidade no pleno extraordinario que se celebra hoxe mesmo.

No caso de que a Xunta Electoral de Zona solicite o nomeamento de novos compoñentes das Mesas para substituír aos seleccionados que por motivos xustificadas non poidan acudir o día das eleccións, seleccionaranse os números que resulten de sumar 10 aos números dos/as electores/as que se substitúan, sempre que se reúnan os requisitos esixidos pola Lei electoral para ser Presidente/a ou Vogal segundo o establecido no artigo 26 da Lei Orgánica do Réxime Electoral Xeral.

Por tanto, e segundo o anterior propónse ao Concello Pleno a adopción do seguinte **ACORDO**:

1. Autorizar a utilización de medios informáticos para a realización do sorteo das persoas que integrarán as mesas electorais con motivo da celebración das eleccións ao Parlamento de Galicia o 12 de xullo de 2020.

2.- Efectuar o sorteo e designar aos/lás membros das distintas Mesas que actuarán como Presidentes/as ou Vogais, con dúas persoas suplentes por cada un/ha deles/as.

3.- Ratificar as normas segundo o sistema acordado na Comisión Informativa do 26.01.2009 de que no caso de que a Xunta Electoral de Zona solicite o seu nomeamento, o/s elector/es cuxo número resulte de sumar 10 ao número de elector/es que substitúa/n, sempre que cumpran os requisitos legais para ser Presidente/a ou Vogal da mesa, segundo o artigo 26 da Lei orgánica do réxime electoral xeral.

Non habendo máis asuntos que tratar, o alcalde levanta a sesión, sendo as dez horas e quince minutos do expresado día. Autorízase o presente borrador da acta coas sinaturas dixitais do alcalde e da secretaria, que dá fe.

